

Broj: 01-01.3-1466-16/18 AZ
Datum: 18.06.2018. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-1466-15/18 AZ od 12.06.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u otvorenom postupku

I

Okvirni sporazum za nabavku roba "Nabavka naftnih derivata i pratećih roba za službena motorna vozila JP Autoceste FBiH" u ukupnoj vrijednosti od 795.890,80 KM sa uračunatim PDV-om dodjeljuje se ponuđaču Hifa – Petrol d.o.o. Sarajevo.

II

Prvi pojedinačni ugovor za nabavku roba "Nabavka naftnih derivata i pratećih roba za službena motorna vozila JP Autoceste FBiH", a po zaključenju okvirnog sporazuma, u vrijednosti 232.834,57 KM sa uračunatim PDV-om dodjeljuje se ponuđaču Hifa – Petrol d.o.o. Sarajevo.

III

Ponuda ponuđača Petrol BH Oil Company d.o.o. Sarajevo odbacuje se kao neprihvatljiva u skladu s članom 68. st. (1) i (4) tačka i) Zakona o javnim nabavkama, a ponuda ponuđača Holdina d.o.o. Sarajevo odbacuje se kao neprihvatljiva u skladu sa članom 68. stav (4) tačka i) Zakona o javnim nabavkama.

IV

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 25. i 32. Zakona o javnim nabavkama pokrenulo otvoreni postupak broj: 01-01.3-1466/18 AZ za nabavku roba: "Nabavka naftnih derivata i pratećih roba za službena motorna vozila JP Autoceste FBiH". Na Portalu javnih nabavki objavljeno je Obavještenje



o nabavci broj: 266-1-1-126-3-82/18 dana 24.04.2018. godine i u Službenom glasniku BiH broj: 27/18. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 06.06.2018. godine u 10.30 sati u prostorijama JP „Autoceste Federacije Bosne i Hercegovine“ d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatirano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su ponude predala 3 (tri) ponuđača.

Komisija je prema članu 65. Zakona pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je u prilogu i sastavni je dio ove Odluke

Shodno preporuci Komisije za javne nabavke datoj u Zapisniku broj 01-01.3-1466-15/18 AZ od 12.06.2018. godine, Okvirni sporazum za nabavku roba "Nabavka naftnih derivata i pratećih roba za službena motorna vozila JP Autoceste FBiH" u ukupnoj vrijednosti od 795.890,80 KM sa uračunatim PDV-om dodjeljuje se ponuđaču Hifa - Petrol d.o.o. Sarajevo, Prvi pojedinačni ugovor za nabavku roba "Nabavka naftnih derivata i pratećih roba za službena motorna vozila JP Autoceste FBiH", a po zaključenju okvirnog sporazuma, u vrijednosti 232.834,57 KM sa uračunatim PDV-om dodjeljuje se ponuđaču Hifa - Petrol d.o.o. Sarajevo, ponuda ponuđača Petrol BH Oil Company d.o.o. Sarajevo odbacuje se kao neprihvatljiva u skladu s članom 68. st. (1) i (4) tačka i) Zakona o javnim nabavkama, a ponuda ponuđača Holdina d.o.o. Sarajevo odbacuje se kao neprihvatljiva u skladu sa članom 68. stav (4) tačka i) Zakona o javnim nabavkama.

Shodno naprijed navedenom, Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri

Prilog:
- Zapisnik o pregledu i ocjeni ponuda

izvršni direktor
za upravljanje i održavanje:

.....
Marin Jeličić, dipl.ing.saob.

.....
direktor:

.....
Adnan Terzić, dipl.ing.

TUV
111
17
TIC

identifikacioni broj: 4227891840005 PDV broj: 227891540005
Glavni račun: Univerbanka Sarajevo 1020010000014039
transakcioni račun: Raiffeisen bank d.d. Sarajevo glavna filijala Mostar 1610200062470036
i federalna taksa za korištenje autoceste: 1610200062470232 - 3386902296565422
Narudba za korištenje cestovne naplate: 1610200062470136 - 3386902296664649

ab

Broj: 01-01.3-1466-15 /18 AZ

Datum: 12.06.2018. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija, imenovana Rješenjem broj: 01-01-1466-10/18 AZ, dostavlja:

ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** „Nabavka naftnih derivata i pratećih roba za službena motorna vozila JP Autoceste FBiH“;
- Evidencijski broj nabavke:** 01-01.3-1466-1/18 AZ;
- Vrsta postupka javne nabavke:** Otvoreni postupak;
- Procijenjena vrijednost nabavke:** 600.000,00 KM za okvirni sporazum na tri godine bez uračunatog PDV-a;
- Broj obavještenja o nabavci sa Portala javnih nabavki:** Obavještenje o nabavci broj: 266-1-1-126-3-82/18 objavljeno 24.04.2018. godine;
- Datum početka pregleda i ocjene ponuda:** Komisija je počela da pregleda ponude 07.06.2018. godine;
- Naziv i sjedište svih ponuđača, prema redoslijedu zaprimanja ponuda:**
 - Petrol BH Oil Company d.o.o. Sarajevo sa ukupnom ponuđenom cijenom za okvirni sporazum u iznosu od 855.447,43 KM sa uračunatim PDV-om i za prvi pojedinačni ugovor u iznosu od 246.432,48 KM sa uračunatim PDV-om;
 - Holdina d.o.o. Sarajevo sa ukupnom ponuđenom cijenom za okvirni sporazum u iznosu od 781.240,85 KM bez PDV-a i za prvi pojedinačni ugovor u iznosu od 220.296,77 KM bez PDV-a;
 - Hifa-Petrol d.o.o. Sarajevo sa ukupnom ponuđenom cijenom za okvirni sporazum u iznosu od 795.890,80 KM sa uračunatim PDV-om i za prvi pojedinačni ugovor u iznosu od 232.834,57 KM sa uračunatim PDV-om;
- Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije zahtjevano pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** U ponudi ponuđača Hifa – Petrol d.o.o. Sarajevo vršena je ispravka (str. 37) i ista je urađena na način da je vidljiva, potvrđena potpisom i pečatom ponuđača i sa datumom ispravke;
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača;**



RB	ANALIZA, PREGLED I OCJENA PONUDA	NAZIV PONUĐAČA		
		Petrol BH Oil Company d.o.o. Sarajevo	Holdina d.o.o. Sarajevo	Hifa — Petrol d.o.o. Sarajevo
a)	Kvalifikacioni uvjeti:			
1.	<p><i>Lična sposobnost - kvalifikacija prema članu 45. ZJN:</i></p> <p>UVJET: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije;</p>			
2.	<p>Sposobnost obavljanja profesionalne djelatnosti:</p> <p>UVJET: Što se tiče sposobnosti za obavljanje</p>			



<p>UVJET:</p> <p>b) Da imaju na raspolaganju minimalno: 20 (dvadest) benzinskih pumpi na teritoriji Bosne i Hercegovine, od kojih na području grada Sarajeva i Mostara mora imati na raspolaganju minimalno po 1 (jednu) benzinsku pumpu, zatim 1 (jednu) stanicu na autocesti u FBiH, te minimalno 1 (jednu) benzinsku stanicu u svakom kantonu/županiji na teritoriji FBiH, bez obzira da li su u vlasništvu Dobavljača;</p> <p>DOKAZ:</p> <p>b) spisak svih benzinskih pumpi koje ponuđač ima na raspolaganju na teritoriji BiH sa navedenim adresama ili opisima lokacija, na kojima će Ugovorni organ moći kupovati predmetne robe;</p> <p>- Za benzinske pumpe koje nisu vlasništvo dobavljača, odnosno za benzinske pumpe koje dobavljač navodi u spisku raspoloživih benzinskih pumpi na osnovu nekog drugog oblika prava raspolaganja, ponuđač je obavezan dostaviti ovjerenu kopiju (ili original) dokumenta kojim dokazuje pravo raspolaganja benzinskim stanicama (ugovor o poslovnoj saradnji, izjava ili potvrda vlasnika pumpi ili sličan dokument) iz kojeg će biti jasno vidljivo da su mu iste stavljene na korištenje, odnosno raspolaganje;</p> <p>UVJET:</p> <p>Posjedovanje vlastitog sistema kartičnog plaćanja, tj. platnih kartice koje izdaje dobavljač za svoju mrežu benzinskih stanica, a koje glase na registarski broj vozila ugovornog organa, te se koriste isključivo za kupovinu naftnih derivata i pratećih roba na benzinskim stanicama dobavljača BiH i inostranstvu;</p> <p>DOKAZ:</p> <p>Izjava dobavljača da posjeduje vlastiti kartični sistem plaćanja naftnih derivata i pratećih roba na svojoj mreži benzinskih stanica;</p> <p>UVJET:</p> <p>Sprovođenje redovne kontrole naftnih derivata od strane ovlaštene ustanove za ispitivanje kvalitete goriva metodama ispitivanja navedenim u Odluci VM BiH Odluka o kvaliteti tečnih naftnih goriva ("Sl. glasnik BiH" br. 27/02, 28/04, 16/05, 14/06, 22/07, 101/08, 71/09, 58/10 i 73/10)</p>	<p style="text-align: center;">+</p> <p style="text-align: center;">-</p>	<p style="text-align: center;">+</p> <p style="text-align: center;">+</p>	<p style="text-align: center;">+</p> <p style="text-align: center;">+</p>
---	---	---	---



	DOKAZ: Uvjerenje (certifikat) o ispitivanju kvaliteta goriva koje je izdala ovlaštena ustanova sa kojom je ponuđač zaključio ugovor:	+	+	+
7.	UVJET: Ispunjavanje uslova iz člana 52. Zakona DOKAZ: Izjava o ispunjavanju uslova iz člana 52. Zakona koja je data u aneksu 7 ili 7.1 tenderske dokumentacije	+	+	+
b)	Ispunjenost uvjeta u pogledu dostavljanja svih potrebnih dokumenata prema sadržaju ponude			
1.	Popunjen obrazac za ponudu koji je dat u Aneksu 2 tenderske dokumentacije	+	-	+
2.	Popunjen obrazac za cijenu ponude koji je dat u aneksu 3 i 3.1 tenderske dokumentacije	+	+	+
3.	Popunjen obrazac povjerljivih informacija koji je dat u aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	+	+	+
4.	Potpisan i parafiran prijedlog okvirnog sporazuma dat u aneksu 6	+	+	+
5.	Potpisan nacrt prvog pojedinačnog ugovora koji je dat u aneksu 6.1 tenderske dokumentacije	+	+	+
6.	Izjava o zajedničkoj ponudi te Izjava o solidarnoj odgovornosti članova grupe ponuđača u skladu sa tačkom 7.5 tenderske dokumentacije (ukoliko onudu dostavlja grupa ponuđača)	nije primjenjivo	nije primjenjivo	nije primjenjivo
7.	Izjava o ispunjavanju uvjete iz člana 45. Zakona koja je data u aneksu 5 tenderske dokumentacije	+	+	+
8.	Dokaz o registraciji u odgovarajućem profesionalnom ili drugom registru u zemlji u kojoj je registrovan ponuđač ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavljaju profesionalnu djelatnost, koja je u vezi sa predmetom nabavke	+	+	+
9.	Izjava o ispunjavanju uslova iz člana 52. Zakona koja je data u aneksu 7 ili 7.1	+	+	+
10.	Spisak izvršenih ugovora i potvrde o izvršenim ugovorima	+	+	+
11.	Parafirana tehnička specifikacija data u aneksu 8	+	+	+



12.	Izjava dobavljača da posjeduje vlastiti kartični sistem plaćanja naftnih derivata i pratećih roba na svojoj mreži benzinskih stanica	-	+	+
13.	Uvjerenje (certifikat) o ispitivanju kvaliteta goriva koje je izdala ovlaštena; ustanova sa kojom je ponuđač zaključio ugovor;	+	+	+
14.	Garancija za ozbiljnost ponude 9.000,00	+	+	+
15.	Izjava o namjeri podugovaranja (ukoliko ponuđač ima namjeru podgovoriti dio ugovora) data u okviru aneksa 2 tenderske dokumentacije;	Ima namjeru podugovaranja	ima namjeru podugovaranja	ima namjeru podugovaranja
16.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru aneksa 2 tenderske dokumentacije;	ispunjava preferencijal	ispunjava preferencijal	ispunjava preferencijal
17.	Popis dokumentacije koja je priložena uz onu — sadržaj ponude	+	+	+
c)	Prikaz prihvatljivosti ponuda prema obliku sadržaju i potpunosti			
1.	Cjelovitost ponude	+	+	+
2.	Uvezana u cjelinu /knjiga, obezbjeđena jamstvenikom/	+	+	+
3.	Ponuda napisana neizbrisivom tintom	+	+	+
4.	Pravilno numerisana ponuda	+	+	+
5.	Ponuda napisana na jednom od službenih jezika u BiH	+	+	+
6.	Ispravke u ponudi	ne	ne	da*
7.	Računske greške	ne	ne	ne
8.	Izmjene/dopune ponude i odustajanje od ponude	n/p	n/p	n/p
9.	Ponuda potpisana od strane ovlaštene osobe	+	+	+
10.	Dostavljena kopija ponude	+	+	+
	PRIHVATLJIVOST PONUDE da/ne	ne	ne	da

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**; n/p nije primjenjivo; *u ponudi ponuđača je vršena je ispravka (str. 37) i ista je urađena na način da je vidljiva, potvrđena potpisom i pečatom ponuđača i sa datumom ispravke;



12. Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

- Ponuda ponuđača PETROL BH Oil Company d.o.o. Sarajevo ispunjava sve uvjete propisane članom 45, i 46. Zakona o javnim nabavkama, a uvjete iz člana 49. ne ispunjava u cijelosti i to iz sljedećeg razloga:

Ponuđač je kao dokaz za ispunjavanje uvjeta iz tačke 7.4.1 c) dostavio Izjavu o kartičnom plaćanju goriva i ostalih roba na benzinskim servisima Petrol-a BH, te o načinu isporuke robe. Međutim, dostavljena Izjava nema pečat, niti je potpisana od strane punomoćnika za potpisivanje ponuda Jasina Salibašića, što je u suprotnosti sa tačkom 8.1.4 tenderske dokumentacije, koji glasi „....*Ponuda mora biti potpisana od strane odgovorne osobe za predstavljanje ponuđača (navedene u Izvodu iz sudskog registra) ili osobe ovlaštene od strane odgovorne osobe ponuđača pismenom punomoći za potpisivanje ponude (u kojem slučaju se uz ponudu prilaže punomoć)....*“; te kao takva nije validna, odnosno nije prihvatljiva za Ugovorni organ.

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (1) i stav (4) tačka i) Zakona o javnim nabavkama.

- Ponuda ponuđača Holdina d.o.o. Sarajevo ispunjava sve uvjete propisane članom 45, 46. i 49. Zakona o javnim nabavkama.

Međutim, ponuda sadrži sljedeći formalno-pravni nedostatak:

- Ponuđač je dostavio Obrazac za ponudu – Aneks 2, međutim propustio je da popuni Izjavu ponuđača (strana 2 od 4 - Aneksa 2) i to tačku 3. koja se odnosi na cijenu ponude za okvirni sporazum (iskazana bez PDV-a i popusta, zatim iznos PDV-a, te ukupna cijena sa PDV-om i popustom, kao iznos napisan slovima) i tačku 4. koja se odnosi za prvi pojedinačni ugovor (iskazana bez PDV-a i popusta, zatim iznos PDV-a, te ukupna cijena sa PDV-om i popustom, kao i iznos napisan slovima), a što je u suprotnosti tačkom 8.2.1 tenderske dokumentacije koji glasi „*Popunjen obrazac za ponudu čija forma je data u Aneksu 2 tenderske dokumentacije, odnosno obrazac koji sadrži sve elemente definisane Aneksom 2.*“

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (4) i) Zakona o javnim nabavkama.

- 13. Prikaz traženih i dostavljenih garancija za ozbiljnost ponude:** Ugovorni organ je tačkom 8.8.1 zahtijevao bankarsku garanciju u iznosu od 9.000,00 KM, sa rokom važenja u čitavom period opcije ponude + 28 dana. Svi ponuđači su dostavili bankarsku garanciju sa traženim iznosom i periodom važnosti.
- 14. Podaci o pojašnjenju ponuda:** Nije zahtijevano pojašnjenje ponuda;
- 15. Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane;
- 16. Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
- 17. Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Svi ponuđači su dostavili parafiranu tehničku specifikaciju datu u aneksu 8. tenderske dokumentacije.



18. Podaci o ispravkama računskih grešaka u ponudama ako ih je bilo: Nije bilo računskih grešaka;
19. Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje: Pogledati stavku 11. ovog Zapisnika;
20. Razlozi za odbijanje ponude zbog neprirodno niske cijene: Nije primjenjivo;
21. Analiza prihvatljivih ponuda prema kriteriju za izbor ponude: Kriterij za dodjelu ugovora je „najniža cijena“;
- Ponuda ponuđača Hifa – Petrol d.o.o. Sarajevo, ispunjava sve kvalifikacione uvjete iz člana 45., 46., i 49. Zakona o javnim nabavkama, kao i ostale uvjete iz tenderske dokumentacije, sa ukupnom ponuđenom cijenom za okvirni sporazum u iznosu od 795.890,80 KM sa uračunatim PDV-om i za prvi pojedinačni ugovor u iznosu od 232.834,57 KM sa uračunatim PDV-om;
22. Rangiranje prihvatljivih ponuda prema kriteriju za izbor ponude:

- Okvirni sporazum

Naziv ponuđača	Cijena ponude bez PDV-a (KM)	PDV 17% (KM)	Ukupna cijena sa PDV-om (KM)
1. Hifa – Petrol d.o.o. Sarajevo	680.248,55	115.642,25	795.890,80

- Prvi pojedinačni ugovor

Naziv ponuđača	Cijena ponude bez PDV-a (KM)	PDV 17% (KM)	Ukupna cijena sa PDV-om (KM)
1. Hifa – Petrol d.o.o. Sarajevo	199.003,91	33.830,66	232.834,57

23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Hifa – Petrol d.o.o. Sarajevo, sa registriranim sjedištem u ulici Hotonj bb, Sarajevo, Vogošća, ispunjava sve kvalifikacione uvjete iz člana 45, 46, i 49. Zakona o javnim nabavkama, kao i ostale uvjete iz tenderske dokumentacije, odnosno dostavio je prihvatljivu ponudu sa najnižom cijenom;

- 24. Podaci o dijelu ugovora koji se daje u podugovor i podatke o podizvođaču:** Ponuđač je naveo da ima namjeru podugovaranja, u vrijednosti od 46.410,00 KM bez PDV-a, za dio ugovora točenje goriva na benzinskoj pumpi podugovarača i to:
- na autoputu na adresi Čekrekčije bb, 71300 Visoko; podugovarač Petrol BH Oil Company d.o.o. Sarajevo, adresa Tešanjka 24a;
 - Bosansko - podrinski kanton na adresi Ruždije Islamagića bb, 73101 Goražde; podugovarač Proming d.o.o. Bugojno, adresa Blažujski drum bb;
 - Livanjski kanton, adresa, Gospodarska zona Jug, Livno; podugovarač Zabrišće B&M d.o.o. Livno, adresa Zabrišće bb;
 - Posavski kanton, adresa, Redže Porobića bb, Odžak; podugovarač Zeko – Promet d.o.o., adresa Redže Porobića bb;
- 25. Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Odabrani ponuđač u sklopu ponude dostavio je dokumente navedene u tački 7.1.3. tenderske dokumentacije kojim dokazuje ispunjavanje uvjeta lične sposobnosti (član 45. Zakona o javnim nabavkama), te iste nije obavezan dostavljati ponovo.
- 26. Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Shodno gore navedenom predlaže se direktoru JP "Autoceste FBiH" d.o.o. Mostar da za nabavku roba „Nabavka naftnih derivata i pratećih roba za službena motorna vozila JP Autoceste FBiH" donese sljedeću odluku kojom se:
1. Okvirni sporazum za nabavku roba "Nabavka naftnih derivata i pratećih roba za službena motorna vozila JP Autoceste FBiH" u ukupnoj vrijednosti od 795.890,80 KM sa uračunatim PDV-om dodjeljuje se ponuđaču Hifa - Petrol d.o.o. Sarajevo;
 2. Prvi pojedinačni ugovor za nabavku roba "Nabavka naftnih derivata i pratećih roba za službena motorna vozila JP Autoceste FBiH", a po zaključenju okvirnog sporazuma, u vrijednosti 232.834,57 KM sa uračunatim PDV-om dodjeljuje se ponuđaču Hifa - Petrol d.o.o. Sarajevo;
 3. Ponudu ponuđača Petrol BH Oil Company d.o.o. Sarajevo odbaci kao neprihvatljivu u skladu s članom 68. stav (1) i stav (4) tačka i) Zakona o javnim nabavkama, a ponudu ponuđača Holdina d.o.o. Sarajevo odbaci kao neprihvatljivu u skladu sa članom 68. stav (4) tačka i) Zakona o javnim nabavkama.
- 27. Datum završetka postupka pregleda i ocjene ponuda:** Komisija je završila pregled i ocjenu ponuda dana 12.06.2018. godine;
- 28. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):** Ovaj zapisnik nema priloga;

30. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Aida Zeba, predsjednik komisije

Melika Alajbegović, član komisije

Amra Kahrimanović, član komisije

Esad Jalovčić, član komisije

Muamer Suljević, član komisije

Za sekretara Komisije imenovana je Nura Suljanović - Litrić.

[Handwritten signatures of Aida Zeba, Melika Alajbegović, Amra Kahrimanović, Esad Jalovčić, and Muamer Suljević over dotted lines]

Saglasan, direktor:

Adnan Terzić, dipl.ing.

